

paucis penetrasse, atque ibi Euangelii promulgatione incepta, multos ad Christi fidem traduxisse; mox defuncti Xaverii vestigiis hærentes alios, ex India atque Europa avectos, brevi adeo christianam religionem provexisse, ut multa christiana phana ac templa assurgerent, ingensque incolarum numerus sacri baptismatis fonte ablueretur, inter quos Dynastæ plerique ac Reges, qui Japoniis imperitabant.

Itaque anno M. D. LXXXII. ab ejusdem Societatis Patribus incitati Franciscus Bongi, Prothasius Arimæ Reges, ac Bartholomæus Omuræ Princeps, quorum duo priores nuper christianam religionem amplexi fuerant, postremus jam anno M. D. LXIII. in Christi militiam nomen dederat, perhonorificam legationem ad Pontificem Maximum decrevere. Franciscus Bongi Rex Mancium Fiongæ Regis nepotem, ob sororem sibi matrimonio junctam affinem, vigesimum annum agentem, qui caput legationis extitit, delegit. Arimæ Rex, ac Bartholomæus Omuræ Princeps, Michaellem alteri consobrinum, alteri nepotem, decimumoctavum attingentem annum, nominavere. Iis comites itineris, curiositate ac res novas visendi studio, illustrium Dynastarum filii duo sese adjunxere, Martinus nempe e Fiongæ, Julianus Fingeno regno orti, qui nondum septimum ac decimum annum excefferant. Anni M. D. LXXXII. initio Japone digressi, Goam, præcipuam Indiæ civitatem Lusitanis subjectam, anno M. D. LXXXIII. appulere; inde Lusitanis navibus in Europam trajecere, itineris præcipuo ex eadem Societate comite ac magistro, genere Lusitano, *Mesquita* nomine, Japoniæ linguæ erudito: Romam mense martio hujus anni pervenere. A Gregorio ingenti lætitia atque humanitate, ad insolens spectaculum universa confluyente civitate, excepti; eisque in aula regia Purpuratorum Senatus est datus. Literæ suorum Principum recitantur: summa pietate, atque eximio ardore christianam religionem complexos; obsequium atque obedientiam Gregorio, uti Christi Vicario, exhibere; designatam sibi eorum nomine legationem; ad sanctissimos illius pedes sese provolventes, eosque exosculantes, admitti supplices petere.

Cum Romæ aliquot dies fuissent, in patriam reversuri,

*H. Mauroceni T. III.*

C 3

an-